

ANTONII SANFELICII

CAMPANIA.

LIBELLVS IN GERMA
NIA ANTE NON EDITVS, QVI
POETAS ET HISTORIAM LEGENTIBVS,

*etiam geographiae studiosis, cupidis denique lon-
ginquas regiones visendi non minus utilis
sit futurus, quàm incundus.*

ROSTOCHII

Ex officina AVGVSTINI FERBERI.

Anno M. D. XXC.

ANTONIO SANCHEZ

CAMPANIA

LIBELLOS IN GERMANIA
VIA DE NOBIS
TOTA ET HISTORIA
DE NOBIS
DE NOBIS
DE NOBIS


DE NOBIS
DE NOBIS
DE NOBIS

IOACHIMO BASSE VITIO

CONSILIARIO DVC. ME

G A P O L. S. D.

IOANNES CASELIUS.

 *Infelicij Campaniam, cuius exemplum Neapoli vnum nactus olim fueram: neq. vidi aliud: perire pati non potui: quin si alibi ab alijs conseruaretur, nostris eam hominibus inuidere non debui, ita plenè, vt ab alio nemine, descriptam. Hoc meum erga homines eruditos & bonæ doctrinæ cupidos studium, sciebam te cumprimis probaturum. Noui enim intimos tuos sensus, & grauede omni genere litterarum iudicium. Itaq. sumpsi hinc occasionem tecum de nostra amicitia loquendi, ab vltimo eius ortu facto principio: non equidem, quod eiusmodi commemorationem aliquam necessariam esse existimem, sed vt illa recordatio coniunctionis animorum nostrorum veteris, veluti renouatæ seu denuo repræsentatæ, quantalacumq. voluptatem, hac ætatis nostræ maturitate, ne quid dicam de temporum tristitia, cui omni ratione si publicè non possint, tamen sapientes priuatim quærere medicinam solent, animis nostris aspergeret. Quæ honestè enim gesta sunt, etiamsi cum molestia, labore, periculo; quoad viuimus,*

*iucunda sunt, nosq̃, quoties premimur etiam grauitè
 communibus huius vitæ incommodis, nobis saepe red-
 dunt, siue conseruant: sine dubitatione vero subleuant.
 De me nihil hoc loco dicere debeo. Didici namq̃ leges
 modestiæ, & ad eas non solum orationem, sed & ani-
 mum comparauimus meum. De te etsi ad te sine suspitione
 assentationis rectè possem, quando ingenium meum no-
 uisti apertius, quàm ut ad potentissimorum nutus &
 voluntates me possim indecorè componere: tamen agam
 parcius: neque tamen non de tuis virtutibus & litteris
 aliquid delibandum est. Vtriusq̃ enim generis acce-
 te studium te adolescentiorem tum adolescenti mihi con-
 iunxit. Virtutum igniculi primi sunt, ni fallor, probitas
 & modestia, quibus erat præ equalibus ornata tua ado-
 lescentia: neq̃ nō ad hasce duas, morum accedebat singu-
 laris comitas. Ab eo tempore, hoc est ab annis plurimis,
 probasti omnibus, quis reuera esses, facileq̃ principes
 etiam viros tibi deuinxisti. De litteris, quas coluimus,
 potissimum mihi in mentem venit. Coluimus enim eas
 pari diligentia non admodum diuersas. Etsi enim tu &
 prius & multo magis atq̃ ego ad disciplinam iuris ci-
 uilis te contulisti; tamen æquè dediti fuimus, tum omni
 bonæ elegantiq̃ doctrinæ, tum artium scientiarumque
 omnium architectrici, quæ à ciuitate politice dicta est:
 in omni genere quantum vterq̃ profecerimus, neutrum
 hactenus pœnitet: quin de te non minus, quàm de me ipso
 affir-*

affirmauerim, sitim illarum non potuisse nos umquam,
neq. posse restringere. Sentiebas enim, & rectè quidem
sentiebas, neq. hodie sententiã mutasti, nunc cum ratione,
cuius species quem forsita fefellerit, tum vsu, cui in vi-
ta communi plurimum iure tribuitur, confirmatus: sen-
tiebas igitur, non esse illotis, vt aiunt, manibus tibi ac-
cedendum ad rem publicam, & legum solam cognitionem
foro, cui destinatae essent, satisfacere: necessariam etiam
ad vniuersam remp., neque tamen non & vberiore do-
ctrina & aliqua eloquentia oportere esse instructum,
qui sententiam in curia & senatu principum salutare
cum auctoritate esset dicturus. Itaq. non attigisti pri-
moribus labris, illam vel solo nomine, vulgo acerbam
philosophiam, conscriptam Latinis litteris sane com-
modè, sed Graecis multo plenius: ex quo perenni fonte,
quidquid boni in rebus est mortalium, deuinitus proma-
nat: quod quibus secus videtur, illa prouenire ex teme-
ritate & stultitia, absurdissimè omnino, dicere necesse
est. Sed illos conuincendi locus non est: neq. conuictos
videre posse, quid veri sit, existimaui, carentes vi-
delicet principijs. Itaque carus eras etiam doctissimis
viris, quos non minus ipse obseruabas: non solum tuis
equalibus: in his vero mihi maximè, & quotidie hoc
magis, quo maiorem studiorum similitudinem in no-
bis deprehenderem. Neq. enim à lectione poëtarum, quos
antiquitas pro philosophis habuisset, abhorrebas, et iudi-

cabas, cum ex Homero erudisset Macedonum regem
maximum maximus ille philosophorum, nos quæ ad mo-
res & vitam & orationē quoq; facerent, ex eodem pos-
se desumere, si idoneos interpretes, non autem meros
grammatistas, fuisset nacti. Addebas, de quibus nos
monuissent magistri dicendi, ipsosq; oratores optimos.
Sed in primis historia te suis illecebris capiebat: quæ, ut
speculum, omnibus vitam hominum ob oculos ponit, sed
eadem intelligentioribus est viuendi regula, optimorum
consiliorum bonis thesaurum suppeditans. Cum insuper
cognouisses, intelligendis et veluti spectandis rebus olim
in orbe terrarum gestis, cum geographorum scripta,
tum contemplationem multarum regionum conferre
plurimum: non solum in umbra, quæ in otio liberali, nobis
occurrunt negotia, tractasti sedulo, sed etiam tempus,
sumptum, valetudinem (neq; enim dicam quæ commoda
neglexisse videri queas) contulisti in peregrinationes
varias, ad longinquas, sed easdem cultissimas terras
videndas. Non capiebas inde leuem voluptatem, ut ex
fortunatis plurimi, neq; patrimonium augere cogitabas,
ut negotiatores, qui iacturam insuper patrimonij ho-
nestam faceres: sed, quam dixi, animi culturam expe-
tebas. Certe enim, vel ad intelligendas historias, vel ad
incendendam earum cognoscendarum cupiditatem non
mibi parum videtur conferre locorum rebus gestis illu-
strium consideratio: ipsa autem animaduersio morum,
vitæ

*Vita, consiliorum variarum gentium, quædam via est,
à politica non abhorrens, ad illa omnia informanda re-
ctius. Qui ita paratus ad politiam accedat; non ille, quo-
ties sententiam dicit, in Care, vt dicitur, periculum facit,
sed instructus est facultate optimè de mortalibus me-
rendi, moderatrice totius vitæ, omniumq; eius partium.
Qui contra sentiant, hos ego cum vulpe Æsopica compa-
rem, quæ cum in sentibus caudam amisisset, concilio suæ
gentis, haud scio quibus argumentis persuadere, conata
fuit, vt hoc onus, quod semper honori vulpibus fuisset,
omnes suo exemplo deponerent. Hos etiam contemnere-
mus, nisi vel exemplo, vel suasu suo adolescentes à re-
cta & longa & difficili via abducerent. Vides, Basse-
uiti, ob quas litteras te semper amauerim. Cum autem
præterea multa de tuis laudibus verè possim dicere: ta-
men id non faciam, ne quid auribus tuis dedisse potius,
quàm de communitate studiorum nostrorū, quod vtriq;
suave esset, tecum loqui voluisse videar, occasionem na-
ctus ex hac Campania: quam cum leges, tum minimum
sed pulcherrimum peregrinationem tuarum iter, animo
mecū releges & contemplaberis, & si apud te qui erunt
ex amicis nostris, homines nobiles & eruditi, eos cogi-
tatione illuc, tanquam in rem præsentem, gratissimo ora-
tionis filo duces, homo εὐλαβέστερος τε καὶ εὐλόγοις.
Vale ROSTOCHIO IV. Id. Nouembris
Anno CL. D. LXXIX.*

PRÆ

PRÆCLARISSIMO SE-
NATI POPVLOQ. CAM.

P A N O

ANTONIVS SANFELICIVS

S. P. D.



*H*umanis animis rerum diuinarum, atq; humanarum scientiæ cupiditatem à natura insitam esse constat. Id nobis, amplissimi ciues ea ratione ingenuit, quo bruta animantia, quæ viribus, velocitate, vitæ diuturnitate, cæterisq; corporis bonis nobis præeunt, vno intellectus cælesti dono antecellamus. Verum quum non sit omnibus eadem vis mentis, diuersa doctrinarum genera homines pro animi captu secuti sunt. Theologorum disciplina super athera euolans diuina scrutata est mysteria, eaq; mortalibus reſerauit, vt summi boni cognita bonitate, illius desiderio, & amore accenderemur. Qui non tam altè explicuerunt alas, mundi sphaeram, inferioresq; siderum globos scrutati sunt. Infra hos quidam elementorum ignis, & aëris effectus varios subtili inuestigatione perquisuerunt, aliq; alia. Ego vero, quimcæ Minervæ parum credens, in sublimia abire non sum ausus, terrarum sequi cognitionem, quæ me à puero mirificè delectauit, operæ pretium existimaui. Quumq; in ea diu versatus intelligerem quicquid ibi proficissem, ponendum esse in medium, humanæq; imperitiendum societati, cæpi cogitare de Italicarum vrbium descriptione, præsertim quod ab Higino eodè argumento confecti libri perisset, admodumq; pauca de M. Portij Catonis originibus fragmenta supersint. Ea de re mihi deliberanti subiit præceptum illud:

Sumite materiam vestris qui scribitis equam Viribus.

Itaq; mei vires ingenij metitus, videns me oneri imparem, ad faciliora verti stylum, vnamq; Italiæ partem Campaniam mihi tractandam delegi. Opus ipsum DEI æterni omnipotentis numine absolui. Inclytæ Capuæ merito debetur Campania, quam & Latini & Græci scriptores Campaniæ dixere principem: quin propter amplitudinem, opumq; potentiam posse omnibus in terris imperij nomen, ac dignitatem sustinere. Huc accedit, quod Illustrissimus Iulius, Paleniorum comes, nobilissimæ Capuæ nobilissima proles, me, vt hanc ederem chorographiam, vehementer accendit, Musarum & pietatis cultor. Valete.

CAMPANIA

ANTONII SANFELICII.



Ampaniam scribimus, situm, dimensionem, agri naturam & antiquos in ea populos: contexere cum his placet insignia illius æui ædificiorum monimenta, quæ licet semidirutata, aspectu tamen cum oculis, tum animo grata sunt. Gratificandum duximus doctis, curiosisq; viris, quos horum operum peruulgatum tota Europa nomen è longinquis allicit terris, quibus nostra hæc scripta quasi dux erunt ad ea pernoscentia. Neq; vero nobis vitio vertendum est, quod geographica, eruditis tractata ingenys scribere aggressi sumus. Non enim ego in orbis terrarum descriptione versor, sed in exigua eius parte mihi nota, qui patrium sedulo peragraui agrum, ne incognita pro cognitis, nèue pro veris falsa traderem. Id potissimum me Campanum hominem ad hoc suscipiendum munus excitauit, atq; impulit, quod dum è geographis quidam dimetiendis cœli circulis, geometricæq; incumbunt subtilitati, dum alij ad enarranda rerum miracula se occupant, & alij ad honestandam patriam sunt nimis intenti, ornandæ Campaniæ parum studiosi fuerunt. Pudebat seminudam intueri parentem, meq; illam oportere velare percepi, quod si elegantiore purapura

pura (vt decet) non operietur, qualicunq. poterimus stola contegemus. Verum enimvero non est ardui operis, quod pulchrum, quod bonum est, ornare laudibus. Quisquis enim eius amœnitatem, cœli clementiam, soli vbertatem, maris, fluuiorum, & lacuum norit comoda, Campaniam naturæ delicias non negauerit: Heic ver assiduum, atq. alienis mensibus æstas, Bis grauidæ segetes, bis pomis utilis arbor.

*Quod præconium, quamuis vniuersæ Italiae tributum videatur, non iniuria tamen sibi illa vendicat, vbi nullo non tempore flores floribus, pomis poma, & fruges frugibus, vernante semper vel autumnante tempore, succedunt. Bona pars eius secundo seritur semine, fert biferas arbores, fert vel trifero prouentu vites, in quibus mira varietate pars vuarum floret, pars defloruit, sunt turgescences, sunt acerbæ, alijs maturescen-
tibus, alijs iam maturis. Suggestit succi plena nutritrix alimenti plurimum, neq. modo suos fetus, verum etiam alienos inexhausto alit vberē. Voco autem alienos, alumnas arbores, tum pecudes, quæ tametsi alijs atque alijs è terris ad nos transmigrarint, non aliam heic vitam viuunt, ac in genitali solo, de quibus suo loco. Consulite autem in superiori carmine pro pecudes substituius segetes, quum nobis non duplex ouium partus, vt Samnio, Lucanisq. pastoribus, pascua mutantibus
sed*

*sed duplex voluente anno contingat sementis. Hæc in
vniuersum, nunc singula attingenda, eo seruato ordine,
vt primum maritima, deinde persequamur mediter-
ranea.*

T*Erræ Italiæ mediam longitudinem transgressa,
Campania ad inferi maris oram recubat. E cæli
positione temperamentum habet, quæ tantundem propè
ab austrino recessit æstu, quantum ad hyemes septen-
trionis accessit, quod ad salubritatem facit, bonumq;
humani corporis constituendum habitum. A Lire flu-
uio ad Sarni ostium pertinet sexaginta passuum mil-
libus excurrente planicie, quæ ab ipsa camporum laxi-
tate facta est Campania. Hi amnes, eius duo latera,
constituunt, hic ab ortu, ille ab occasu. Boream versus
montibus cingitur, Samnites & Irpinos excludentibus,
quartum vero latus mare possidet. Latitudo eius va-
ria, vt tamen, qua maximè panditur, triginta non ex-
cedat milliaria, quod si totius ambitus subducatur ra-
tio, colliget ad centum & sexaginta passuum millia.
Liris ex Apœnino monte decurrens (geographorum
ritu ab occidentali plaga narrationis facimus initium)
in Soranum primo se fundit agrum, tenuis antè, quàm
Fibreii fluminis ebibat aquas. Hunc multi existimant
è Fucino superiore Marforum lacu per emissarium,
quod Claudius Cæsar fecit, occultis huc delabi venis, sal-*

sa opinione, quando M. Tullius longè ante eius imperium de Fibreno meminit. Ab vtriusq; confluyente Liris torrentior ad cataractam properat, præcepsq; ruit: præcipitatus impetum premit, sedatoq; cursu abiens tanquam duarum arbiter gentium Latio fines præscribit, & Campanis. Minturnas Romanorum coloniam is olim diuidebat, Glanicus antea vocatus, dimidiatiq; corporis alteram nobis tribuebat partem, Latinis alteram: ponte vtraq; eius ripa iungebatur eo loco, vbi fluuiali scapha traiciuntur viatores. Minturnarū, quæ iam corruerunt, stat adhuc putre amphitheatrum, à quo non procul ductus aquæ conspicitur arcuatim procurrens. Post Minturnas Sinuessæ est hoc nomine dicta, quod sit in Sueßæ oppidi sinu. Sinope hæc prius vocabatur à Sinopensibus Ponticis colonis, quorum opus fuit. Emanant eius in agro balneæ, quas memoriæ proditum est mulierum sterilitati succurrere. Per Campaniæ litus vulgo prorumpunt aduersum morbos aquæ salutares, non tamen omnes eadem facultate, sed aliæ alia pro soli ingenio. Plurimi enim refert, per quos terræ meatus fluant, quæue metalla in cursu alluant, vnde exueltas qualitates in affecta constat transfundi corpora. Plinius, qui in Latinorum numero populorum Sinuessanos reponit, audiendus non est, quippe magis à vero aberrans, quàm à Latinorum finibus absit Sinuessæ.

nueſſa. Latium enim vetus à Tiberi ad Circæos ſeruatum eſt, indeq; ad Lirem nouum, quod adiectum quoq; appellabatur. A Sinueſſa eſt amnis Sauo, qui ex Auruncorum profuſus montibus Sidicinum, Stellatem, & Falernum agros modicus interluit, nullis breui in curriculo auctus riuis. Sequitur Vulturſus triremium capax æquè, atq; Liris, quum vtriq; longius euagantes comites aquas abolitis earum nominibus ſecum ad mare ducant. Vulturſi fons in Samnio eſt, qui dum conſrugoſa Samnitium percurrit loca, rapido fertur lapſu Venafrano tenuis campo, vnde vi repreſſa placidus continuat iter, mediam ſecans Campaniam. Piſcium copioſus eſt, vere in primis, propter clupearum multitudinem, quæ huc ad tutum partum ſubeunt, gignitq; formoſos lupos, ſed in Samnio tantum. Deinceps Gallinaria eſt ſilua mari præcincla, & Literno lacu, quæ ciuilibus bellicis materiem fabricandæ Sex. Pompeij claſſi ſuppeditauit. Hanc latrocinijſ inſeſtam conſecuta tempora ſpouliarunt arboribus, quæ nunc iligna glande, & arbuſcularum cæterarum fœtu hybernæ venatoribus, pariterq; aucupibus inſcat prædam. Liternum lacum quaſtuofum facit magilum aſſidua captura ſub dies præcipue halcyones, quod id temporis eius fauces occluſæ arena fluctibus aggreſta, piſcatorum opera recluduntur, prætentis prius retibus. Iuxta lacum ſtetit oppidum Li-

ternum, cuius vel ruinae perierunt, locus tamen ob maioris Africani memoriam in omne saeculum celebrabitur. Hoc sibi domicilium relicta ingrata patria delegit Scipio, quod ante obscurum, illustravit vir ipse illustris, non tam genere, dignitate, laureatisq; fascibus, quam modestiae, fortitudinis, patientiaeq; titulis. Heic ille cum philosophia reliquo vitae tempore negotium habuit, & cum re rustica, triumphaliq; dextera laboriosum saepe rexit aratrum. Huc adiacet Cumanus ager Phlegraeus Graece à Phlegra Thessalicae valle, quum utrobique gigantum pugnam poetae vulgarent, illic contra Iovem, heic cum Hercule eius filio ex Hispaniis redeunte, utriusq; gentis ferociam hoc commento demonstrantes. Haec latifundia Latini appellarunt Laborias, quae duabus intercluduntur militaribus vijs altera Cumis, Puteolis altera Capuam ferentibus. Sunt Laboriae ea fecunditate: ut vel cupidi agricolae labori respondeant fructu, restibilesq; nec stercorationem desiderent, nec intermissionem. A Cumæis & Chalcidensibus conditi sunt Cumani, qui ducibus Hippocle, atq; Megasthene ad quaerendas sedes profecti, huc appulerunt. Felicium fertilitate praediorum aucti ciues eò progressi sunt opum, ut Hetruscis Italiae fere imperitantibus parere recusantes obuiam ierint, eorumq; fregerint impetum. Italiae, Siciliaeque Urbes Cumæ antiquitate praestiterunt,

quarum

quarum miserandum (vt ita dicam) cadauer quisquis
aspexerit, non poterit non grauiter affici. In rerum vi-
cissitudine vrbs tanta versa est in caprilia, in cuius loci
tepore alsiosum id pecus hyeme commodè stabulatur. In
pelagus illa prominebat dextra Neronis fossam, læua
Acherusiam spectans paludem. Vasto, effreniq; animo
matricida fossam ipsam instituerat, Ostiam vsq; per-
ducturus, quo sibi magiæ addicto ad Auernales ma-
gicas Vanitates expedita, tutaq; semper pateret nauig-
atio. Accedebat eò, quod Canopicæ Alexandrinorum
fossæ cupiebat modulantes imitari choros, vt eorum
exemplo inter fidicinum cantica iste citharædus, interq;
psaltrias vlro, citroq; per deriuatum veclaretur Ti-
berim. Irrita temeritatis fossa, quæ nunc lacus marinus
est, remansit testis, quod nobis piscandi commoditate,
prosperè cessit. Altera rursus Amyclano in sinu ab
eodem inchoata, fisci exhaustis thesauris, destituta est
maximo Amyclensium detrimento. Fuit enim in cause-
sa, quamobrem vinum Cæcubum disperierit, cui prin-
cipatum multi dederunt. Acherusia palus est inter Cu-
mas, & Misenum, cui ferrugineo colore squalenti no-
men à Stygio Acheronte indiderunt. Misenus promon-
torium de sepulcro Miseni Troianæ classis tubicinis ap-
pellatur, cuius ossa hoc in monte insignium more vi-
rorum Æneas condi iussit, id honoris eius tubæ defe-
rens.

rens. Hinc mare velut in æstuarium se fundens, Baianum efficit sinum, Romanis cuius magnopere expectum. Etenim qui diutinis militiæ laboribus iactati fuissent, siue quem vrbane ambitionis cæperat satietas, quie forum, plurimasq; alias vrbis molestias ferre amplius nolissent, in hunc otij portum confugiebant, vbi animus post curarum fluctus, subductis superbie velis, & pacatæ vitæ iactis anchoris, seipsum colligeret, atque recrearet. Ægritudines hac via effugiebant, ægraq; curabant corpora, edocti quæ balneæ quibus mederentur morbis. Multis in terris medicamentosi exiliunt fontes, qui in Liguria Statiellas, & in Narbonensi prouincia Sextias aquas condiderunt oppida: nusquam tamen largius, quam heic, propinquisq; locis, nec tam varijs auxilijs aduersæ valetudinis. Sunt his fontibus priuata remedia, generatim vero senes fouent, & stomacho imbecillos, quartanaq; febre laborantibus adsunt. His præterea in collibus sunt excavati cuniculi, quorum feruidus vapor noxios è corpore eliciens humores non mediocres efficit utilitates. Valetudinis igitur gratia, & ob mercaturæ negotiationem Puteolis frequentissimo in emporio, loca hæc innumera hominum celebrabat multitudo, regna Puteolana eam ob caussam à M. Tullio dicta. Strabo hunc sinum continuis ædibus ita excultum scribit, vt vnius vrbis offerrent aspectum, quod

quod ex earum reliquijs facile perspicitur. Illiciebant etiam piscandi oblectamenta, tum è mari maritimisq; piscinis, tum è lacubus Lucrino atq; Auerno. Lucrinenses voluptates erant præcipuæ, ubi ganeæ studiosi non modo altitium piscium, sed etiam ostrearum construxerunt viuaria, non contenti ijs, quas copiose gignebat Lucrinus, ob id ostreosus cognominatus. His de causis non minoris heic publicè & priuatim ædificabatur, quam in vrbe, vtq; ad Tiberim superba erat Roma, ita heic deliciosa. Vna in tot opportunitatibus gelida ad potum desiderabatur aqua, calidis duntaxat fontibus heic erumpentibus. Grandem idcirco pecuniam Romano ex ærario erogare necesse fuit, tum in riuos fornicato opere, perq; actos in montibus cuniculos, à quinto & tricesimo milliario deducendos, tum in receptacula aquarum facienda, non tantum ad Romanorum ciuium vsum, sed etiam classiariorum militum. Namq; senatus imperij consulens securitati, super omnia Italiae, classẽ hoc in sinu in piratarum excursiones, & ad omnem naualis belli euentum habebat instructam, inter orientis occidentisque regna mediam. E cisternis illis duæ impensa magnificentissima incorruptæ ad nostram peruenerunt etatem. Harum altera in viuo Miseni lapide excisa frigidas intra montis viscera seruabat aquas, altera vero multiplici structilium pilarum versu,

su, integra adhuc tectoria concamerationes sustinet. Infra hanc ad litus, lateritius tholus egregio assurgit opere, qui (quantum coniectura licet assequi) intus confidentibus aestiuos defendebat ardores, quoniam ad captandas auras latis patet fenestrarum, & ostiorum luminibus. Prope est Auernus lacus, Græcè Aornos: Quod super haud ullæ poterant impune volantes Tendere inter pennis: talis sese halitus atris Faucibus effundens supera ad connexa ferebat.

Exhalabat quondam diram Mephitim, sed succisis postea, quæ lacum ambiebant, densis syluis, ea pestis euauit. Is nostra memoria piscibus affluebat, qui nuper pluuij cineris amarore ad vnum necati sunt. Eruperunt superioribus annis è vastissimo terræ hiatu immensæ flammæ, flammisq; commixti ingentes innumeriq; lapides, qui postridie eius diei in montem visu horribilem congesti visi sunt. In ea ignium tempestate aliquot balneæ obrutæ, planities Puteolis subiecta magna ex parte monte occupata, Auernus præter piscium cladem ad dimidium angustatus est: quin mare retrocedere fuit coactum, vt nouam loci faciem, qui antea viderant, demirentur. Auerni accolæ fuerunt Cimmerici, gens rapto viuens, grassans in eos, qui ad Auernalia Plutonis sacra contendebant. Ad hæc sacra, id est ad exercendam magiam huc ibatur, & ab inferis manes (ita prisca

prisci impij corpore exutas animas vocabant) ad vaticinationem exciendos. Magicae artis professores spectris quibusdam ita oculorum aciem perstringebant, ut ad cadauera sua manes euocari viderentur. Huius necromantie studio, Homericus Vlysses à Circea soluens insula ad hos Cimmerios venit. Hos dico, nequis in Homeri carmine intelligat Cimmerios, qui alio in orbe Maotim accolunt paludem, quam opinuonem id excludit, quod ea nauigatio vnius fuit diej. Heic ergo Vlysses umbrarum fecit euocationem, humato prius Baia socio, vnde Baianus sinus, non ab vrbe Baijs, quæ nulla fuit. Quod vero Auernales Cimmerij Scytharum Cimmeriorum cognomines fuerint, congruens inter eos vitæ ratio fecit. Efferatis erant utrique animis, utq; illis à signiferi plaga longissimè sepositis crassior aëris caligo offunditur, ita hi obscuras inter Auerni sylvas, tenebricosisq; in specubus ad latrocinandum delitescabant. Medius inter Auernum & mare, Lucrinus fuit, Romanæ reipub. ob maximam piscium capturam maxime vectigalis, qui superaenientibus undis, piscesq; excludentibus à C. Cesare obiectis in mare molibus munitus est:

Lucrinoq; addita claustra:

Atq; indignatum magnis stridoribus æquor.

Hinc, atq; illinc firmissimo septus muro Lucrinus

Et imperturbatos continebat pisces, Et tutum subeuntibus velis præstabat portum. Hunc sequens ætas oppressa republica Augusto adulans falso portum Iulium appellauit:

Iulia qua ponto longè sonat vnda refuso.
Non enim Iulius de suo id opus fecit, sed à patribus missus faciundum curauit. Arcto spacio hi lacus se iungebantur, quod ex eo conijci potest. Nam vtrumque Augustus paruo negotio media effossa tellure in vnum confudit, ibiq; tota hieme, pugnaturus vere cum Sex. Pompeio, remiges, classiariosq; exercuit milites pugnam meditantes. Stante Romana libertate, Lucrinus munitionibus tutus oppugnantibus obstitit mari, qua euersa, quum nulli essent rerum publicarum curatores, cessit pertinacibus vndis. Huius tyrannidis vindex fuit nouus mons, quem memorauimus, qui mari ab iniusta possessione repulso factus est alter loci tyrannus. E regione montis, surgit collis, in quo truncum apparet ædificium, quod Puteolani pro certo habent Ciceronis fuisse Academiam. Huic opinioni fidem esse adhibendam ea mihi persuasit ratio, quod locus antiqui domini seruat nomen, tum quod respondet topographiæ à Plinio factæ, quam adscribo. Dignum memoratu villa est ab Auerno Puteolos tendentibus imposita litori, celebrata porticu Et nemore, quam vocabat Academiam M. Cicero.
Hæc

Hæc Plinius. Platonis æmulator non modo tractanda philosophia Arpinas ille esse voluit, sed Platonici gymnasij nomen in suam villam Musarum domicilium traduxit. Hinc factum est, ut gloriosis Græcis Atticam Academiam iactantibus, Latini Puteolanam opponerent, & Tusculanum Lyceo Aristotelico, quibus è fontibus moralis philosophiæ manarunt rivi. Puteoli vrbs à Samys posita, Dicearchia prius fuit de regiminis æquitate, quod in ea ciues sine ullo census, ordinisve delectu, ambitionis, continuoq; discordiæ fomite, ad regendam, seruandamq; patriam concordie caritate, pariq; inter se administrationis iure coniuncti essent. A Romanis dehinc colonis de paruis balnearum puteis Latium impositum est nomen, quod est Puteoli. Hucusq; Campani ciues per Laborinos campos viam munierunt, ad comportandos agrorum fructus, utque hinc peregrinas exportarent merces, quandoquidem celeberrimum (ut diximus) Puteoli emporium erat. Ipsa in via, quæ adhuc Campana vocatur, vtrinq; lateritiæ, reticulatæq; structuræ se offerunt spectandas, quæ viatores tenent pascentes specie oculos eruditos. Spectatu quoque dignum est antiquum Puteolanorum amphitheatrum, circaq; ipsum innumera ruinosa concamerato opere ædificia, quorum quædam subterranea sunt peruiâq; inter se, tam perplexa tamen ostiorum ambage,

ut absq̃ duce, circumductōue fixoq̃ funiculo, negetur exitus. Quare nos huiusmodi Labyrinthos anfractus Dædalus relinquentes ingenijs, inceptum peragemus iter. Neapolim hinc proficiscentibus subeundus est clius, cuius ad læuam situs est campus, vndiq̃ montibus sulphureum exhalantibus vaporem circumdatus, angustis adeundus faucibus. Intra eum aliquot in locis scaturigines altius uti fornacis calcariæ subditis ignibus ebulliunt, aspectu non minus horrido, quam quæ in Ampsancti efferuescunt Irpinorum valle. Vulcanium forum id fuit antiquis, ubi sulphurea conflantur potiora vascula, quorum vsum lienosis prodesse compertum est. Post hos montes, albicant Leucogæi aluminosi colles, à candore nomen adepti, apud quos, teste Plinio, scatebant balneæ, oculis opem ferentes & vulneribus. Subiacet parvus lacus sterilibus omnino aquis, præditis tamen vi naturæ mira. Est in proximo terræ spiraculum, afflatu intus tabifico: signum habens iuxta fauces, quod non sine vitæ periculo præterire licet. Quodcumq̃ animal id transgreditur, procumbit illic semianime: quod si prius, quàm exanimetur, his tinguatur aquis, ad salutem redit, factò in canibus sæpe periculo. Ea lacus parte, quæ spectat in meridiem passim rimis fatiscit humus, alibi minoribus, alibi maioribus, è quibus ingiter euaporantes fumi, podagricis auxiliantur, præsentiq̃

sentiq̃ remedio contractos renitentes nervos pristinis restituunt vitæ muneribus. Putecolani atq̃ Neapolitani agri terminus est Pausilypus mons, & promontorium, qui Græca voce bonum præferens genium rem nomini non habet disparem. Is præter liberum Campaniæ Picentinorum, maris, & insularum prospectum, præterq̃ vini laudem, pomorum omne genus dives est, beatior tamen in citreis magnitudine, & odore præcellentibus, cibarijsq̃ vis, apiana & duracina. Loci huius cum amœnitatem, tum salubritatem adamasse antiquos sumptuoso villæ cultu sunt testes, quarum in ruinis multæ effossæ inuentæ sunt mutilatæ columnæ, tum quædam integræ pretiose è marmore maculis pulchrè distincto, quæ in sacrarum ædium ornamenta translatae spectantur. Laboriosius olim eius dorsum transcendebatur, quapropter ne à viatoribus superandum esset, ad eius inum ferro miliaria crypta fuit aperta, peruiotransitu, ea laxitate, quæ aduersa admittit plaustra. Vulgaris est opinio auctorem operis fuisse Lucillum, male fundata super M. Varronis verbis, non rectè intellectis, qui tertio de re rustica libro ait, Lucillum ad Neapolim perfodisse montem. Quod si, qui ita sentiunt, subnexæ orationis expendissent contextum, hanc impensam ei non ascripsissent, ex Strabone attribuendam M. Cocceo. Quod sequitur hoc est. Ac maritima flumina

mina immisit in piscinas, quæ reciprocè fluerent. Hæc plane docent non spectare præcedentia verba ad transitum per cryptam patefactum, sed ad specus paruos oblongiores, quos ad Pausilypi caput cernere est, latere vergente ad orientem solem. Per eos enim cunicolos æstuante sole reciprocantes maris euripi conclusos intra viuaria refrigerabant pisces. Asiaticam prædam ijs in sumptibus consumpsit Lucullus, de qua gaza profusa. Xerxes togatus à Pompeio dictus. Neapolis ex Plinij historia Chalcidenses habuit conditores: quod vero scriptum Strabo reliquerit primos colonos fuisse Cumanos, non continuo dissentit ab eo, quum à Chalcidensibus fuerint propagati Cumani. Primum hæc Parthenope à Sirenis tumultu fuit, mox (quæ loci est opportunitas) nouæ coloniae accepit incrementum. Nouis ciuibus non placuit cum veteribus tecta coniungere, sed in propinquo loco consederunt, hæcque fuit Neapolis, rursus Parthenope versa est in Paleopolim. Ignota hæc Solino fuerunt, qui ab Augusto cœpisse dici Neapolim scribit, quasi vero Augustus fuerit ante Ciceronis ætatem, apud quem sæpe Neapolim legas. Hæ duæ vrbes vnis claudebantur mœnibus, quæ postea vtring. auctis tectis in vnum coâluerunt corpus. Per Sirenum vero fabulam loci huius deliciosæ notantur illecebræ ad otia inuitantes, ad quæ nata fertur Neapolis. Molli sane otio
animum

animum corrumpi dubium non est, contraq, litterarum
 & studiorum perfici exercitatione. Id noscentes docti
 modestiq, viri Sirenum cantibus, occlusis auribus, otio
 non abutentes, & suæ famæ consuluerunt, & posteri-
 tati. Quam debet humana vita agricolarum magistro,
 à quo docti sumus:

Quid faciat letas segetes, quo hydere terram
 Vertere conueniat?

A quo præterea didicimus:

Vlmis adiungere vites.

Neapolim vero illum hæc canentem coluisse quis du-
 bitet?

Illo Virgilium me tempore dulcis alebat Parthenope.

Palladius quoq, heic agens de eadem re rustica.
 præcepit, deq, citreorum cultu, quæ primus ipse demon-
 strauit Italiæ. Non sunt prætereundæ syluæ Neapo-
 litani vatis, quæ perpetuo comarum honore adhuc vi-
 rent secula vincentes. Ager hic facundatur Cerere,
 Baccho circumopsiti colles, hortis vero exornantur sub-
 urbana directis in quincuncem pomorum ordinibus.
 Græcorum carmina, Alcinoi, Phæacum regis poma-
 ria, & in Africa Hesperidum aurea mala magnificè
 cantarunt. Quid si illi poëtæ tantum arborum Medi-
 carum heic vidissent syluas? Has tamen nostri & ver-
 D sibus,

sibus, & soluta oratione laudibus sunt profecuti, quippe
quæ malum ferant, præsens venenis antidotum :

Quo non præstantius ullum,

Pocula si quando sæuæ infecere nouerca,
Miscueruntq; herbas, & non innoxia verba,
Auxilium venit, & membris agit atra venena.

Multiplicis hæc mala generis colore ad aurum in-
clinato, sed his verbis, si Macrobio credimus, com-
mendatur citrium, cuius potissimum mali comesa se-
mina, tum interior acida caro, haustis aduersantur ve-
nenis, simul & oris emendant graueolentiam :

Animas, & olentia Medi

Ora fouent illo, & senibus medicantur anhelis.

Huc nos, quo hæc remedia manifesta fierent, digressi
sumus: nunc ad id, quod restat itineris. Suburbium,
quod secundum litus est, Sebethus alluit fluuiolus, ne
lintrium quidem patiens, non tamen inglorius, sub no-
mine Sebethidis nymphæ decantatus. Sunt qui malint
per nympham Sebethida significari aquam, quæ pensili
rino influebat Neapolim, quod geminatus indicat du-
ctus ad Ianuariam portam. Sebet hum duo sequebantur
memoria Herculis insignia oppida, Herculanium &
Pompeij, quæ incendiorum iniuria versa sunt in vicos.
Litteris pradiatum est Herculem debellatis Hispanijs
Geryonis regis pulcherrima bouum armenta in Baianum
sinum

sinum exposuisse, ibique inter Misenum & Auernum ipsas caula vallasse. Locus is de boum caula fuit primum Boaula, mox, ut vox ipsa dulcius sonaret auribus, facta est Bauli. Deliciarum hic erat locus, quo paulo antè Romanæ reipublicæ excidium multi nauigabant, ad spectandas insanas in mari substructiones, atq; loculatas (Varronis vtor verbo) maritimas piscinas. Inde dux Græcus in patriam rediturus, Picentinos versus discedens, castra ad montem Vesuuium locauit, ibiq; constructis tectis, & agro, quem occuparat, viritim diuiso, copiarum partem, mancos belloque inualidos reliquit. Hæc fuit Heraclæa Græcis colonis, post Herculanium Latinis. Posito oppido castra ad oëtauum lapidem promouit, quo in itinere triumphalibus vectus est insignibus bobus, ipsis in morem captiuorum bello ducum præeuntibus. Quumq; ad flumen Sarnum ventum esset, consedit, alteraque ibi mania veteranis militibus exstruxit, quæ de triumphali illa pompa fuerunt Pompeij. Heracleenses ergo, Pompeianiq; populi idem fuit ortus, eorundemq; par fuit vitæ occasus. T. Vespasiani principatu Vesuuium montem vtrig; oppido imminentem conflagrassè constat, eiq; media eius voragine tantas erupisse flammæ, ut ad Ægyptum cineres peruenerint. Latè vagantes ignes, syluas, arbusta, casas, ædes, & quidquid fuit obuuii absumpserunt, liquatis quoq; saxis,

quæ instar ferreæ spumæ, miserabilem illam testifi-
 cantur calamitatem. Haustum eo incendio Hercula-
 nium, Pompeianos vero in scenicorum ludorum specta-
 culo confidentes repentinus lapidum sepeliuit casus,
 vniusque theatri cauea facta est totius ciuitatis vrna.
 Cæterum mons ipse, quem tanta vastitas inuisum an-
 tiquis fecerat, rependens fructu illata damna, inuenit
 apud posteros gratiam. Cineris quippe calore hæc affecta
 plaga magnam nobilitandis vinis vim accepit, è quibus
 id, quod Græcum cognominatur, reliquis Italicis præ-
 fertur. Hoc meracum in patria sumptum caput tentat:
 verum tamē si nauigio transuehatur fluctibus iactatum
 vi domita mitescit, fitque suauius: quod utinam homini
 vsu veniret. Amplissima arbusta, quibus cingitur,
 escarias vuas, præter vini copiam, ferunt, quæ ad mul-
 tam hyemem de arboribus pendent. Idem trilibria co-
 tonea, pauloq; minora pyra, sorba, messila, syluestria
 arbuta, cæteraq; serotina mittit munera, in quibus ex-
 cellit iuxta, ac Puteolanus ager in præcocibus pomis.
 Hæc est maritima Campaniæ ora, gemino definita li-
 tore, Sinuessano scilicet, quod à Lire tendit ad Misenum,
 & Neapolitano, quod à forma Græci appellarunt cra-
 tera, Miseno & Athenæo promontorijs circumscriptum.
 Ea sinus huius est apricitas, ut vernæ insitiones se-
 mestri spatio autumnû dona proferant lætissimè. Nulla
 est

est pomiferarum arborum, (de notiss terris loquor) quæ heic non proueniat, & quidem feliciter, præter Vnam & alteram Syriæ peculiare.

Litore perlustrato exquiremus interna ab occidentali exordientes latere, vt priore factum est volumine. Principium Vestinæ damus, quippe primo in hac serie oppido. Eius ager erat Minturnensibus affinis, cuius extremus saltus Falernum contingebat agrum, quo in confinio à Ponticis colonis fuit posita Sinope, de qua meminimus. Hi Vestini (est & Vestinorum regio ad mare superum) ciuium prodicione ab Romano hoste capti funditus deleti sunt. Cum Vestinis stetit pariter vicina Vrbs Ausona, & cum ea pariter decubuit: Ausoniæ tamen non exoleuit nomen, duraturum in omne Italiæ æuum, quæ ab illa est cognominata Ausonia. Magnæ Græciæ oram antea tenuerant Ausones, cui rei argumento est mare illud cognomine Ausonium. Inde siue armis pulsæ, siue ea sedes huic fuerit posthabita, in hanc Campaniæ partem conamigrarunt, omnemque subegerunt regionem, quæ à Lire pertinet ad Campanum pontem. Ausonum stirpis est vicina huic agro Sueffa, cognomento Aurunca, ab Auruncis, qui inuadentibus finitimis Sidicinis huc destituta patria confugerunt. Fuit altera Sueffa Pomætia Volscorum, quam Pontina palude ferunt haustam. Nostra Sueffa viuit

arduo emiens in colle, quem plurimi inferiores circundant vicis frequentes, vitibus amicti atq; oleis, quarum baccæ conditæ maximè probantur hodie, antiqui tamen Sidicinas & Picasas prætulerunt cunctis. Qui magis editi sunt montes, habent castaneta, ubi rei pecuarie periti, suilli pecoris greges hyeme ante glandium pastionem saginare instituunt, ad succidas longe ipsæ meliores, quas solæ glandariæ mittunt sylvæ. Sunt nunc Sueffanorum, à Vestinis quondamet Ausonibus possessi, fundi, quos limus montanis è locis in imbribus defluens, feraciores reddit ea ratione, quæ pro inundantis Nilii incremento frugibus cumulatæ Ægyptus. Theanum quoque cognomine Sidicinum (habent & Apuli suum Theanum) Ausonum est gentis, cuius ager eximia est fertilitatis, longè lateq; patens, veruntamen qui prius unam locupletabat civitatem, hodie & Theanensibus, & multis circumpositis castellis rerum suppeditat copiam. Antiquis Theanensium eversis monumentis, struetilis superat canalus, cuius iugi riuo oppidi plateæ, tum portæ, salientibus ornantur & lacubus. Eadem aqua ad irrigandos olitorum hortos deriuatur, singulari donatos à natura munere apio capitato, quod fouendo stomacho, halituq; oris commendando cunctis antecellit oleis. Hinc ad quartum lapidem recesserunt Caleni, sed de via, quæ Cales ducit, diuertendum est, ne Casinates,

nates, & Venafrani seorsum positi prætermittantur. Casinum ad Latinam appositum viam M. Varro Samnites tenuisse prodidit, quod ad possessionem vi partam, non ad progeniem referemus, cum verisimile sit Casinates, aut Ausonum aut Latinorum (sunt enim inter utroque medij) prolem esse. Est ager Casinas olei feracior, quam frumenti, magnumq; vectigal ex eo capiunt, comportantes in Latium, oppidaq; Samnitica. Labitur per hunc agrum flumen Vinium, ad cuius ripam M. Varro fuit Museum, cuius rarissimæ villæ, elegans artificiosaq; forma in eiusdem auctoris contemplanda scriptis, legentis animum non parum oblectat. Quod vero tradit Strabo, nouissimum hoc esse Latij oppidum, occupantium vim armorum intelligimus, non publicam iuridicamq; possessionem: alioqui Latinorum fines confunderentur, atq; Campaniæ. Ad Casinatium arua adiunguntur Venafrana, quæ in Campaniæ angulo ad Samnites se proferunt, à quibus, interfluente Vulturno, separantur. E montis cliuo Venafrani suas prius despiciebant spatiosas possessiones, ad quas postea commodiores culturæ gratia descenderunt, largo insuper inuitante fonte, iam collapsa vetere ductu, qui à Vulturni capite ibat. Hæc æquora ad sexaginta amplius stadia explicantur, aratoribus bona, bona pastoribus, quæ montibus in theatri propemodum figurâ inflexis cinguntur.

Montium

3 Marcene

Montium imæ partes , appositique tumuli oliuís conue-
stiuntur, glareosa terra gaudentibus, & meridiano sole,
quarum oleo ob purum succum, palmam, vt ait Plinius,
unguenta dederunt. Sed iam, vnde deflexit, regre-
diatur oratio. Cales Ausonum oppidum, Latine adia-
cet viæ, cuius nobilitatis indicio sunt marmoreæ ibi
reliquiæ. Caleni antiquitus in aurea Italicarum vrbium
libertate, habebantur in populorum nobilium numero,
de quo dignitatis gradu Romanorum armis deiecti sunt,
actusq; de ijs in vrbe triumphus, ingenti comportata
præda. Stellatis ager Calenum attingit, atq; Falernum,
qui est à saltu Vestino ad Vulturum. Celeberrimus hic
tractus duo præcipua vitæ bona possidet, in collinis vi-
na, frumenta in campestribus, vt non minus verè, quàm
lepidè sit dictum, in Campania liberi, & Cereris esse
certamen. Per Falernas segetes cursum Appia infle-
tebat via, quæ sexto & decimo stadio à Campano
ponte Latinam viam excipiens, pergebat Brundisium.
Hæc est Ausonia occiduae Campaniæ regio, cuius ex
aduerso trans Vulturum sunt Osce, duas in partes di-
uisa Campania cisvulturanam, & transvulturanam.
Oscorum, quæ vetutissima est Italiæ gens, caput erat
Capua, cuius nomen ad Troianorum ducem Capym qui-
dam reuocant: Et Capys: hinc nomen Campaniæ du-
citur vrbi.

Non

Non urbis conditor Capys, (legimus enim & Oſcam, & Vulturum prius vocatam) ſed amplificator fuit. M. Varro ad campeſtrem retulit ſedem: Strabo ad rem ipſam, quod caput eſſet Campaniæ. Is quinto geographiæ libro ſic ait. Quum autem urbes duodecim in Campania forent, Capuam perinde, ac illarum caput nominarunt. Huic concors M. Tullius quum in Rullum oraret cauſſam, hæc de huius excellentia urbis verba fecit. Romam in montibus poſitam & conuallibus, cœnaculis ſublatam, atq; ſuſpenſam, non optimis vijs, anguſtis ſemitis, præ ſua Capua planiſſimo in loco explicata, ac præ illis ſemitis irridebunt, atq; contemnunt. Agros vero Vaticanum & Pupinium, cum ſuis optimis atq; vberibus campis conferendos ſcilicet putabunt. Oppidorum autem finitimorum illam copiam cum hac per riſum, ac per iocum contendunt, Labicos, Fidenas, Collatiam, ipſum hercle Lanuuium, Arictiam, Tuſculum, cum Calibus, Theano, Neapoli, Puteolis, Cumis, Pompeijs, Nuceria comparabunt. Hæc ille. Ad id faſtigium per fructuum magnitudinem, rerumq; omnium affluentiam aſcenderat. Campanus quippe ager optimus, orbisq; terræ pulcherrimus ab omnibus celebratus eſt, de quo poëta, quum feliciſ terræ ſigna indicaffet:

Talem diues arat Capua.

E

Opu

Opulenta erat, quum ille georgica canebat, nihil tamen ad illam Capuam, quæ ad immortalem sui memoriam publicorum operum erexit spectacula. Extant ex ijs duo: amphiteatri moles, opere Dorico, tam vasta, eaq̃ architectura, vt nemo sit, qui primo eius aspectu non obstupescat. Nam quamuis immanium barbarorum ferro incendijsq̃ lacera & corrupta, triumphantis tamen vr̃bis repræsentat imaginem. Non longè hinc, intervallo non tam effuso sumpta, sed absoluta itidem arte visitur tribus porticibus amplissima cryptoporticus, quæ tam longo æuo contra vim temporis resistit. Adscripsissem integra, ni rimis fatiscerent parietes, neue testudines stillicidijs essent obnoxie, dignum profecto opus, quod sartum tectum locetur. Animi causa huc Campani patritij ad antemeridianam inambulationem conueniebant, pomeridianasq̃ sessiones, vbi otiosas diei horas, quauis cœli exclusa iniuria, transigebant. Circa hæc loca aratro passim eruuntur prisce æris, argenti, auri pulcherrima numismata, tum doctissimorum manu artificum sculptæ gemmæ, Pariosq̃ è marmore elegantissima signa, præstantissimæ ciuitatis deliciae. Oscoꝝ quoq̃ gentis sunt confines Calatini, atq̃ Acerani. Trebula quoq̃ Osca fuit, Sueffula, Atella, & clarum historijs Casilinum, de quo primum agemus. Id secundo bello Punico Italicae virtutis fuit specimen, vbi
exiguo

exigua militum manus, post Cannensem cladem, non
terrata calamitosa Romanorum fortuna, insolentioribus
Pœnorum copijs tanta animorum constantia obstitit, ut
in summa cibariorum inopia, lora, detractasque scutis
pelles, feruida mollitas aqua, mandere cogerentur, mul-
tis inedia enectis. Vulturius Falernum agrum à Cam-
pano disiungens, Casilinum intermeabat, quod ad sul-
cos redactum est. Post Tifata montes, qui non procul
aberant à veteri Capua, quique Samnium versus Cam-
panis fines statuunt, et Calatinis, montana est Calatia,
supra quam, seorsum tamen ingens quadrato saxo sur-
git opus, quod rupis faciem oculis offert, ferruminato
nexu lapidibus apte inter se coherentibus. Hæc fuisse
antiqui oppidi mœnia sunt qui dicant, quos ego non se-
quor, opinorq; ciues per ea tempora habitasse ubi adhuc
habitant. Argumento mihi est perennis aqua influens
subterraneo riuo in cisternam veterem, quæ in oppidi
est umbilico, ipsaque aqua per æstiuos menses ob inno-
xium frigus ciuibz gratissima est. Addo etiam testi-
monium superpositæ ibi marmoreæ tabellæ, in qua hoc
incisum est epigramma.

M GAVIVS T F
Q VISELLIVS Q F
GALLVS

DVO VIR QVINQ
E 2

CRE.

CREPIDINES CIRC FORVM SPE.

Si ergo heic erat forum , continuo & oppidum, numquam foro mœnibus excluso. Habent hi colles olea distincta oleastris, quorum baccæ non carne, sed liquoris dulcedine commendantur. Citra Tifata apertis in campis stetit Trebula , pari inter Capuam & Sueffulam intervallo, quæ iam æquata solo. Eius desertam sedem quum perscrutarer, inueni ab humo modicè exstantia theatri vestigia. Duce opus fuit ad locum inquirendum, quem Liuius tertio & vicesimo historiarum libro nobis ostendit. M. Marcellus, inquit, à Canusio Calatiam petit, atq; inde Vulturno amne traiecto per agrum Satriculanum, Trebulanumq; super Sueffulam per montes Nolam peruenit. In Liuianis autem codicibus, quos mihi videre contigit, Trebrianum pro Trebulanum scriptum legi, quod mendum correximus eadem ex historia. Nam idem auctor alibi iuxta Capuam Trebulam nominat, non Trebiam. Hoc etiam confirmant geographica Ptolemæi tabellæ, quæ arithmeticis notis, mensuræq; ratione propius Capuam monstrant Trebulam. Fundi ubi ea stetit, vt loco, ita messium fecunditate sunt Campano agro proximi. Atella, quæ in vicos abiit, non venit in dubium, ubi ceciderit. Nam oppidi situs eminet, quem depressa ambit fossa, diuitq; ibi eius nomen.

men. Romani propositis præmijs arte pollentes scenica,
hinc accersebant, eorum facietis delectati fabulis, ut ta-
men solutiores iocos, Latij seueritate temperarent.

Tanti autem Atellanios fecere mimos, ut Ennium
ferant gratiam à Romanis inire cupientem, Oscam didi-
cisse linguam, gloriariq; solitum, se tria habere corda,
quod Latine, Græcèq; sciret, simul & Oscè. Adhuc his
in locis histrionia viget, quasi per manus tradita, quæ
in sacris fere usurpatur exodijs. Atellana quoq; prædia
rerum affluunt copia, quippe vicina Campanis. Acerræ
palustris grauitate cœli, iam à priscis seculis sunt infre-
quentes, infestante Clanio flumine, quæ

Vacuis non æquus Acerris.

Agri bonitas inuitos retinet ciues. Est enim tum
frumentarius, tum pascuus gramina maiori pecori,
Ægyptijs maximè bobus, abunde suppeditans. Hæ bo-
ues secundo abhinc tertioque seculo nouæ incolæ fuerunt
Italiæ, hodie nostrates habentur, quibus nos à patria
excogitauimus nomen. In Ægypto siquidem hæ pe-
cudes rem pecuariam plurimum augent, herbido semper
solò, ad multiuaga Nili flumina, in quæ impatientes
æstus subinde se mergunt, capite duntaxat extantes.
Quis vero nō miretur hoc tam grande animal è cicurum
genere, tamq; fructuosum (quamuis enim anni parte ad
mulctram hæ boues veniunt) antiquis scriptoribus &

E 3 nostris,

nostris, & Græcis fuisse ignotum, ijs potissimum, qui
 in profundo pisciculorum naturam curiosius conquisi-
 uerunt. Quod vero dicunt aliqui hoc Plinio esse bu-
 balum, quàm recte hi sentiant, facile apparebit, si ve-
 triusq; animantis descriptio animaduertatur. Finitimæ
 Sueffulæ pascua eadem armenta inuitant, simili ratione,
 gramine semper vestitis campis. Oppidum ipsum interijt
 relictum à ciuibus, qui eadem cœli intemperie, circun-
 fusis Clany aquis, obsidente palude, patrijs coacti sunt
 excedere laribus. Portentoso hæ aquæ sunt auctu, quæ
 æstiuo in calore præter cæterarum morem redundantes,
 descrescunt per hyemem. Fuit Sueffulanorum ea vallis,
 quæ ad Caudinas protenditur furcas, persicis arboribus
 tota consita, tum cerasis, quarum poma adeo proba sunt,
 vt Persæ & Cerasuntj à nobis potius petijssæ, quam ad
 nos misissæ videantur. Sueffulanum agrum excipiunt
 Nolanorum populeta, multiplicis generis amicta vi-
 tibus, quæ vina fundunt, tum hybernis poculis lenia,
 tum æstiuis excitando stomacho subaustera. At hi ciues
 non eum fructum è frumentis capiunt, quem è generoso
 palmite ad æstiuæ semina magis idoneo loco, quàm ad
 hyberna, quocirca arbustis potius, quàm aruo student.
 A Vesuij conflagratione de sparsa cinere, pumiceisq;
 lapillis id accedisse existimandum est: alioqui ager hic
 cum Capuæ latifundis non conferretur, neq; audire me-
 ruiſſet:

ruisset: Talem diues arat Capua, & vicina Vesuo
Ora iugo.

Nemo loci gnarus non videt hoc carmen spectare
ad vniuersum tractum circa Vesuuium. Nota erant
loca hæc poëtæ, qui Campaniam diu incoluerat, incole-
batq; cum georgica mandaret litteris. De Nolanorum
vero origine varia est opinio, quos alij Tyrriorum sobo-
lem, alij Chalcidensium prodiderunt. Ptolemæus id op-
pidum nobis ereptum in Picentinos retulit, idq; non mo-
do præter ius, verum etiam præter definitos à se Cam-
paniæ terminos. Quasi vero geographis positos à se
regionum limites & contrahere liceat & proferre,
regum exemplo, qui ad suum arbitrium leges figunt,
atque refigunt. Nolanis contermini sunt Abellani, non
obscuri quondam nominis, quippe conscripti in cata-
logo populorum, qui cum Turno aduersus Latinum, &
Æneam conspirauerant:

Et quos malifera despectant mœnia Belle.

Quo in nomine ad vitandum ex vocalium concursu
hiatum poëta primam detraxit litteram, & pro Abelle,
dictum est Belle. Quod si nominis inspicatur vis,
Bella, non Abella dicetur, id est bona. Ager enim Abel-
lanus multis est accumulatus bonis, oleo imprimis, cuius
laus est, quod ei vetustas tædium non affert, tum vino,
pomisq; omne genus suauissimis, frumento non item, ve
tamen

tamen minutas fruges ferre non recuset. Habet glandi-
 feras sylvas, copiosus est castanearum arborum, quæ
 suis nuces ad transmarinas mittunt provincias, quæ-
 stuosa permutatione palmularum, & piperis. Addantur
 ad venationem, corporisq; exercitationem, caprearum,
 & aprorum repleti saltus, tum gelidi passim, salubresq;
 fontes, & quod his omnibus maius est, viget in hac tem-
 perie longæva senectæ. Hæc est orientalis Campania,
 Sarno terminata flumine, cuius aquæ nos à Picentinis
 dirimunt, tam pigro labentes motu, ut vtro fluant,
 nescias.

TIBI DEVS ÆTERNE ATQVE
 OMNIPOTENS IMMORTALES
 AGO GRATIAS,
 CUIVS NUMINE, ET OPE CAM-
 PANIAM SCRIPSI

FINIS.

INTER.

INTERPETATIO NOMINVM HVIVS CHOROGRAPHIÆ.

Abella,
Acerra,
Acherusia palus,
Amyclanus sinus,
Amphitheatrum Capuæ,
Ampsanii vallis,
Atella,
Auernus lacus,
Ausona,

Baianus sinus,
Bauli,

Campania,
Campana via,
Calatia,
Cales,
Capua,
Casilinum,

Casinum,
Cisterna Miseni,
Cisterna Auerni,
Cryptoporticus Capuæ,

Cuma,

Falernus ager,

Fibrenus fluuius,
Fossa Neronis,
Fucinus lacus,

Auella.
Acerra.
La Coluccia.
Il mar de Sperlonga.
Li Borlaschi de Capua.
La valle de Frecento.
doue è hoggi Santo Arpino.
il lago de tre pergole.
già desolata nel piano de Sessa.

B.

il mar de Baia.
Bacola, loco nel lito de Baia.

C.

terra de lauore.
Campanola nel territorio de
Caiazza. Pezzuli.
Calui.
Capua.
Castelluccio, un certo territorio

tra Capua, e la foce del Voltorno.

San Germano.
grotte Dragonara.
piscina mirabile.
le tre grotte che sono vicine,
a li Borlaschi,
Cuma, se vedeno le rouine.

F.

il territorio, che e da la Roccha
de Monaragone sino al Voltorno.
il fiume de la Posta.

Licoria.

il lago de Fucino, ô de Celano.

F

Furca

<i>Furca Caudina,</i>		oue hoggi è Arpaia.
<i>Gallinaria sylua,</i>	G.	la peneta de Patria.
<i>Herculanium,</i>	H.	fu, doue e hoggi la torre del Greco.
<i>Irpini,</i>	I.	li populi, che sono mezi tra la valle Beneuentana, e la Basilicata.
<i>Laboria,</i>	L.	il territorio del Gaudio, se dice anche per altro nome Latino: Laborini campi.
<i>Leucogei colles,</i>		la Lumera.
<i>Liris fluius,</i>		il Gargliano.
<i>Liternus fluius,</i>		il fiume de Patria.
<i>Liternus lacus,</i>		il lago de Patria.
<i>Liternum,</i>		Citta desolata, il loco se dice Patria.
<i>Lucania,</i>		Basilicata, vnde Lucani.
<i>Lucrinus lacus,</i>		fu doue è hoggi il monte nouo, appresso il lago Auerno.
<i>Magna Græcia,</i>	M.	la Calabria soprana.
<i>Minturnæ,</i>		fu, doue è hoggi la scafa del Gari- gliano, de la qual se vedeno le reliquie.
<i>Misenus mons,</i>		Miseno.
<i>Neapolis,</i>	N.	Neapoli.
<i>Nola,</i>		Nola.
<i>Pausilypus mons,</i>	P.	Posilipo.
<i>Picentini,</i>		la costa de Amalfe.
<i>Pompeij,</i>		la torre de l, Annuntiata.
<i>Portus Iulius.</i>		era esso lago Lucrino.
<i>Puteoli,</i>		Pezzuli.
<i>Puteolana crypta,</i>		la grotte passante, che e tra Pezzuli, e Neapoli.

3.

Samnium,
Sarnus fluius,
Sauo fluius,
Seberbus fluiolus,
Sinuessa,
Stellatis ager,
 Il qual confina con il territorio de Thiano, e de la
 Rocca de Mondragone.

Suessa,
Suessula,

Apruzzo, vnde Samnites.
 il fiume de Scafala.
 il Saone.
 il fiume de la Matelena.
 la rocca de Mondragone.
 il territorio de Carinole,

Sessa.

fu, doue è la torre detta de Sessola.

T.

Tifata montes,
Theanum,
Tholus Baianus,
Trebula,

li monti sopra lantiqua Capua.

Thiano.

il Truglio de Baia.

fu tra Capua, e Sessola, oue appa-
 renoli restigij del theatro.

V.

Venafrum,
Venafrani campi,
Vestina,
Vinius fluiolus,
Vulcanium forum,
Vulturnus fluius,
Vulturnum,

Venafro.

il piano de Venafro.

fu nel piano de Sessa.

il fiume de sa Germano.

la Solfatara.

il Voltorno.

castello à mare del Voltorno.

DE CAMPANO AM-
PHITEATRO.



*Mmanem quisnam molem , quis grandia
saxa.*

Æquavit cæli nubibus aligeris?

*Montibus impositos montes quæ deinde
ruina*

Dejcit è cæli nubibus aligeris?

*Celsa giganteis manibus fabricata superba est
Machina , forma tamèn Dædaleo ingenio.*

*Mirati sunt Græci impostum Pelio Ossan,
Impia gens superis quum fera bella ciet.*

*Hoc opus egregium miretur Græcia, summo
Quod vicit rupes vertice Thessalicas.*

*Non par auricomus Phæbus spectauit eoo
A Gange ad Gades, Herculeumq; mare.*

*Campani heic plausere olim iuuenesq; senesq;
Et factoresonant alta Tifata sono*

DE INCENDIO VESV
VII EX TITO DIONIS NICÆI,
INTERPRETE XYLANDRO.




PER id tempus accidere in Campania horribilia quædam, quæ magnam admirationem habent. Nam sub autumnî tempus ingens incendium repente excitatum est, eoq; mons Vesuvius conflagrauit. Is mons mare spectat ad Neapolim, habetq; fontes ignis maximos: ac olim quidem ex omni parte excisus erat, sed tunc ex medio eius ignis exitit. Nam ea parte tantum exustus est: extrinsecus enim intactus integerque permanet ad hæc tempora, ex quo fit, vt cum ignis externas partes non exurat, eaque, quæ sunt in medio, consumantur igni, rediganturque in cineres, vertices, qui circum sunt, vsq; adhuc veterem altitudinem habeant, & quæ pars igni consumpta est, dum in se coit, cœcaua facta sit, ita vt totus mons (si licet parua cum magnis conferre) formam habeat amphitheatri. Culmina eius montis multas arbores habent, vitesq;: ipse interius circuitu propter ignem decliuus est: vtq; fumum interdii, ita noctu flammam reddit, ita vt in eo suffimenta cuiusuis generis fieri semper videantur. Quod cum ita se habeat, nec semper eodem modo, id magis aliquando, interdum minus facit: ad hæc puluerem projcit, quoties simul aliquid subsidit, emittitq; saxa


facto impetu ventorum: tum resonat, mugitq̃, quod mi-
nimè densas atque constipatas, sed raras & occultas re-
spirationes habet. Cum igitur Veseuus eiusmodi sit,
hæc in eo quotannis ferè fieri solent. Quæ cum illis tem-
poribus præter morem euenerint, magnâq̃ adhuc esse vi-
deantur ijs, qui ea semper inspiciunt, tamen licet omnia
simul cum cæteris, quæ tum quoque euenerunt, compa-
rentur, parua habeantur necesse est. Etenim eo tempore
magnus numerus hominum inusitata magnitudine, qua-
les gigantes finguntur, in eodem monte regioneq̃ fini-
tima, ac proximis ciuitatibus interdum noctuq̃ vagari,
versariq̃ in aëre visus est: Post hæc consecuta est
maxima siccitas, ac repentiè graues terræ motus facti,
vt & omnis ea planicies feruida esset, & culmina mon-
tium subsiderent. Ad hæc sonitus subterranei tamquam
tonitrua, & super terram mugitibus similes extiterunt.
Dein mare simul fremere, omne cælum resonare, ingens-
que & repentinus fragor, quasi montes simul conside-
rent, exaudiri. Tum exilire primum immensi lapides,
& ad summos vertices peruenire: deinde magna copia
ignis fumiq̃, ita vt omnem aërem obscuraret, occultaretq̃
solem non aliter, quàm si defecisset. Igitur nox ex die,
& tenebræ ex luce factæ erant, putantibus nonnullis,
gigantes seditionem inter se facere, quod multæ ima-
gines eorum in fumo conspiceretur, quodq̃ clangor tu-
barum audiretur. Alij existimabant aut mundum in
chaos


chaos redigi, aut igni consumi, ob eamque caussam properabant alij ex ædibus in vias, alij de vijs in aedes confugere, atque è mari in continentem, & ex continente in mare se recipere. Alij conturbati, ea quæ nondum venerant, existimare tutiora rebus præsentibus. Tanta vero erat copia cineris, ut terram mareque, atque adeo ipsum aërem compleret: quæ res multa damna, ut cuique sors tulit, importauit, non solum hominibus, prædijsque ac pecoribus, sed etiam pisces, volucresque omnes peremit, duasque vrbes, Herculanium & Pompeios, populo sedente in theatro, penitus obruit. Postremo tantus fuit cinis, ut inde peruenerit in Africam, Syriam & Ægyptum, introieritque Romam, eiusque aërem compleuerit, & solem obscurauerit. Id Romæ accidit paucis post diebus, cum omnes ignorarent id, quod factum erat in Campania, nec quid esset coniectura assiqui possent. Itaque etiam ij putare cœperunt, omnia sursum deorsum ferri, solemque in terram cadere, & terram in cælum conscendere. Quamquam autem hic cinis non attulit statim grauiaincommoda populo Romano, tamen postea morbum pestilentem & grauem immisit. Insequenti anno Tito ad visendam calamitatem Campaniæ profecto, multa Romæ conflagrauerunt, quod incendium tamen extiterat ex terra. Nam Serapis ac Isis fana, Septa, templum Neptuni, balnea Agrippæ, Pantheon, Diribitorium, theatrum Balbi, Scena Pompeij, Octauiana

uiana ædificia vna cum libris, templum Iouis Capitolini
cum proximis templis igni consumpta sunt. Ita id ma-
lum diuinum potius, quàm humanum fuit. Licet enim
ex ijs quæ commemorauimus, cætera quæ in eo incendio pe-
rierunt; conycere. Titus ad Campanos misit duos viros
consulares, qui colonias eò deducerent, ijsq; grandem pe-
cuniam dedit, atq; eam potissimum, quam reliquissent
ij, qui sine hæredibus mortui essent. Ipse nihil à priuatis,
aut ciuitatibus, aut regibus, cum ei multa da-
rènt ac pollicerentur, accepit: quin
etiam ea, quæ adhuc apud se
habebat, restituit.










SPECIAL

86B

26800

THE GETTY CENTER
LIBRARY



SANFELICE, Antonio. Campania (Ed. J. Caselius). Rostoch:
Augustin Ferber, 1580. 4to, 40, [8] pp. Modern boards. \$550

First published in Naples, 1562, Sanfelice's description of and travel in Campania became an enduring handbook, being published until the 19th century. It deals with the history, geography, topography, and agriculture (including viticulture) of the region.

This second edition contains a Latin-Italian glossary of place names by the editor, Johannes Caselius, as well as an appendix on the eruption of Vesuvius. In his dedicatory preface to Joachim Bassewitz, Caselius says that, because of the scarcity of the Naples edition (of which he could locate no more than one copy), he decided to publish the present edition so that the work would not perish entirely. The complete title of this Rostoch edition reads: "Campania, a booklet hitherto not published in Germany, which should be as useful as it will be enjoyable to readers of poetry and history, as well as to those interested in geography and in visiting far-away places".

This second edition appears to be even rarer than the first (for which see STC Italian 604); it is not located in STC German, Adams, or NUC (which locates only 18th-century editions).